

## UBMG

### [EZ BAKARREN BAT]

Ez bakarren bat,  
taju zarpilez  
zenbat  
gizajo-jende  
dabil  
Madrileko edozein  
kale ederrez  
zarpil.

Lotsatu egiten naiz  
aberastasunaren  
erronkalari Gran Viaz.

Edanda egon arren  
bideko kafetetxez  
berriz eta tristuraz  
edan dut lotsaria  
azukrerik gabe  
markako mindura  
kopa bat edo bestez.

Beltzarren [*sic*] begiak gorri  
kristautasunaren  
frakasu halakoaren  
hondakinak mihatzen  
gelditu naiz gero  
edozein kalegurutze  
handitako gurutze  
Kristorik gabekotan.

Aingeruak hil bide  
dire, diot, eta Jainkoa  
agian aspertu da  
kristau bihotzei maitasun  
grazia egiten.

Baina pobreen alde,  
jardun ote du gero  
inork egundo  
benetan?

Baina barkatu  
behar ez denik badiot, edanda bait nago, eta  
erreta.